

Cooperativismo e Enonomía Social, nº 31 (2008-2009), pp. 191-192

**COMENTARIO Á LEI DE ORZAMENTOS DE  
GALICIA DE 2009, LEI 16/2008, DO 23 DE DECEMBRO,  
SOBRE AS NOVIDADES FISCAIS INCORPORADAS  
PARA ESTE ANO**

Carmen RUIZ HIDALGO

*Profesora titular de Dereito financeiro e tributario  
da Universidade de Vigo*

No título VI denominado «Normas tributarias» régulanse aspectos cuantitativos dos tributos propios e tributos cedidos.

Respecto aos tributos propios, distinguimos, por unha parte, as taxas en que se incrementan nun 2 % os tipos de taxas de contía fixa como variable. Este coeficiente aplicarase tanto ás contías, de carácter mínimo ou máximo, coma ás deducións das taxas antes sinaladas. Exceptúanse do incremento establecido anteriormente as que se recaden mediante efectos timbrados. Tamén se introducen modificacións en certas taxas reguladas na Lei 6/2003, do 9 de decembro, de taxas, prezos e exaccións reguladoras da comunidade autónoma de Galicia.

Por outro lado, modifícase a Lei 8/1993, do 23 de xuño, reguladora da Administración hidráulica de Galicia, mediante a actualización dos tipos de gravame do canon de saneamento e incorpóranse coeficientes redutores destes tipos para industrias específicas, como as piscifactorías. Así mesmo, modifícase a Lei 12/1995, do 29 de decembro, do imposto sobre a contaminación atmosférica, en concreto a tarifa deste imposto, ampliando o número de tramos, e regula a presentación e o pagamento por medios telemáticos.

En canto aos tributos cedidos, modifícase o tipo de gravame dos documentos notariais que formalicen a constitución e a cancelación de dereitos de garantía para determinados suxeitos pasivos, e actualízase a taxa sobre os xogos de sorte, envite ou azar nun 2 %.

